

四庫全書

集部

欽定四庫全書

御定歷代題畫詩類卷六十八目錄

漁樵類

雪麓漁舟圖

元王冕

溪山漁艇圖

元劉永之

題風雨漁舟圖

元胡長孺

題漁舟風雨圖

元吳澄

題漁舟圖

元吳澄

漁圖

明周用

漁圖

明徐渭

書漁舟扇面

明舒芬

漁舟夜歸圖

明陳顥

題趙子昂秋江漁艇圖

明貝瓊

題秋江漁艇

明陳繼儒

馬遠虛亭漁笛圖

元吳鎮

題畫蘆花漁笛

明李日華

次韻題文太史滄浪漁笛圖

明張鳳翼

題徐景顏教諭穀江漁者卷

明邵伯宣

周伯清秋江曬網圖

元李存

題網魚圖

明倪宗正

二漁負罾圖

明屠僑

春波嬾漁圖

明李日華

釣魚圖

元彭炳

輞川釣者圖

明練子寧

釣魚圖

明呂憲

釣魚圖

明莊景

釣魚圖

明李東陽

扇上釣魚圖

明賀欽

釣魚圖

明陳雷

題子昂江天釣艇圖

元陳旅

題盛子昭臨吳興公溪山釣船圖

明虞堪

為世賢題唐子華釣舟圖

明吳寬

沈啓南畫漁舟晚釣圖

明文森

為彭子弘題漁釣圖

元劉永之

題山水釣魚小畫

明程本立

春江獨釣圖

元王惲

春江獨釣圖

元倪瓚

春溪獨釣圖

明高啓

題秋江垂釣圖

元趙孟頫

題秋江垂釣圖

元虞集

題秋江把釣圖

元黃鎮成

秋江獨釣圖

元吳師道

題朱澤民秋江獨釣圖

元鄭東

題秋江漁釣圖

明林鴻

秋江獨釣圖

明王直

秋江釣舟圖

明陸深

寒江獨釣圖

元袁士元

寒江獨釣圖

元唐肅

獨釣寒江

明徐渭

空江獨釣圖

明陳桂

題滄江獨釣圖

明劉基

桐江獨釣圖

明商輅

題澄江釣叟圖

明廖道南

題田使者玉泉垂釣圖

元王惲

題長溪獨釣圖

元丁鶴年

題宋元凱都市寺為中正堂畫溪山晚釣圖

元鄭



洪

題雙松獨釣圖

元陶宗儀

次韻趙子野石城釣月圖

宋樓鑰

秋江釣月圖歌

元劉因

黃清夫秋江釣月圖

元趙孟頫

題黃隱君秋江釣月圖

元范梈

釣雪圖

元袁桷

題寒江釣雪

元馬祖常

釣雪圖

元薩都拉

釣雪圖

明呂憲

寒江釣雪

明周復俊

寫立釣圖

明李日華

題罷釣圖

明張鳳翼

罷釣圖

明楊基

題鐵仲堅宣差所藏羅稚川煙邨圖

元劉詵

仿巨然煙艇

明李日華

題劉光朝小景圖

元陳泰

題小景

明張以寧

題子昂畫

明王達

題小畫

明謝矩

小景

明祝允明

為王章甫畫

明李日華

跋武元直漁樵閒話圖

金趙秉文

漁樵閒話圖

元王惲

漁樵問答圖

元 袁桷

漁樵問話圖

明 楊基

漁樂樵隱二圖

明 儲巖

題樵漁圖

元 貢師泰 二首

為陳叔原題漁樵圖

明 藍智

題漁樵圖

明 僧宗泐

題郭熙畫樵夫渡水扇

宋 文彥博

為疇齋張府卿作樵雲圖

元 馬臻

樵隱圖

元陳樵二首

呂氏樵隱圖

元陳樵

暮嶺歸樵圖

明祝允明

題鄱陽楊蘭谷漁樵耕牧圖

元李祁

御定歷代題畫詩類卷六十八目錄

欽定四庫全書

御定歷代題畫詩類卷六十八

漁樵類

雪麓漁舟圖

元 王冕

大山小山無寸青  
長江萬里如月明  
楚天不盡鳥飛絕  
老樹欲動風無聲  
何人方舟順流下  
草衣箬笠俱瀟灑  
篷底有兒能讀書  
不是尋常釣魚者  
玄貞子陶朱翁  
避世逃名俱已矣  
後來空自談高風  
我視功名等塵垢  
何

似忘言付杯酒武陵豈必皆神仙桃花流水人間有

溪山漁艇圖

元 劉永之

夕陽延莫景秋色遠冥冥流水雙溪綠寒山九疊青石  
樓依古木草徑接遙汀釣叟長年在何人問客星

題風雨漁舟圖

元 胡長孺

細柳新蒲春已滿飄風急雨亂如顛漁人若解忘魚意  
繫却扁舟卧碧煙

題漁舟風雨圖

元 吳澄

蓑笠寒颼颼一篙背拳曲有人方醉眠酒醒失茅屋

題漁舟圖

元  
吳澄

岸柳青青岸蓼紅兩兒兩姬兩漁翁當年應笑扁舟客  
月夜西施一夕風

漁圖

明  
周用

寒潛急漁師回谿愁泯泯中有九寸鮮無令一朝盡網  
絲傷春蠶筍竹折稚笋萬口白喁喁畫者心亦忍

漁圖

明  
徐渭



何人畫秋色蘆花繡如組罷釣睡孤舟月滿滿湘浦撒  
網打魚驚鴈飛釣竿間挂冷魚磯醉餘正好割鮮膾怪  
殺松鱸畫裏肥

書漁舟扇面

明舒芬

蹇驢辛苦走長安十載依然著一冠爭似漁翁江上老  
綠蓑長伴白鷗閒

漁舟夜歸圖

明陳顥

罷釣歸來月未明隔離遙見一燈青不知潮落江風轉

流却扁舟過別汀

題趙子昂秋江漁艇圖

明 貝瓊

朝漁江之南暮漁江之北  
朝暮清江邊公侯不相識  
西塞山前秋日微  
滄波浩蕩釣船歸  
老髯何來一相就  
鐵笛夜吹彭郎磯

題秋江漁艇

明 陳繼儒

怕將名姓落人間  
買斷秋江蘆荻灣  
幾度招尋尋不得  
釣船雖小即深山

馬遠虛亭漁笛圖

元 吳鎮

虛閣延涼颺唯聞芳草氣  
漁艇出滄浪弄笛仍遺世  
山鳥為飛鳴游魚順流去  
幽人午睡餘翛然信高致  
何物馬生圖會得其中趣  
展閱不能忘賦得工五字

題畫蘆花漁笛

明 李日華

白石丹楓落照邊  
千峰雲靄一江煙  
漁郎短笛無腔調  
吹起蘆花雪滿船

次韻題文太史滄浪漁笛圖

明 張鳳翼

夾岸蘆花雪作叢扁舟長笛弄秋風十年不向山陰過  
猶自含酸小幅中

題徐景顏教諭穀江漁者卷

明 邵伯宣

柯山青浸穀江波有客長年披綠蓑釣澤偶膺多士選  
講帷仍賦散人歌桃花白鷺忘機久蓴菜鱸魚入夢多  
遲子束書歸舊隱水雲深處一經過

周伯清秋江曬網圖

元 李 存

曬網夕陽斜攜壺入荻花平生誤識字恨不作漁家

題網魚圖

明 倪宗正

白白江波紅尾魚蒲花初發柳花疎江洲日暮忘歸去  
江魚上網不知數風雨欲來猶不來簞笠且挂磯頭樹

二漁負罾圖

明 屠 僑

夜飯未得熟風濤不可曾柴門桑竹雨妻子候寒燈

春波懶漁圖

明 李日華

聞說淞陵鱸又肥雨餘沙柳綠霏霏當年屬玉聽簫處  
只有孤雲映夕暉

釣魚圖

元 彭 炳

酒醒船在子陵臺萬壑千巖玉琢開拋却釣魚肩雪落  
一雙青鴈恰飛來

輞川釣者圖

明 練子寧

家住橫溪上金川似輞川涼風垂釣坐明月棹歌還綠  
水雕胡飯金鱗縮項鮪鑑湖如可乞相與頌堯天

釣魚圖

明 呂 憲

楓香倚青壁魚樂茭蒲長溪翁戴笠來舟穩撥蘭漿飲

談世清濁無復三閭大極目盼流雲滄浪發孤響餘音  
遶空谷川綠平如掌呼翁不我鷹繫此蓴鱸想

釣魚圖

明莊景

溪上春雲與浪飛溪頭春水紫魚肥野人只是閒無事  
日出船來月出歸

釣魚圖

為葉司徒公題

明李東陽

兩舟同行如結鄰兩翁相對各垂綸絲長水遠意不極  
俱是江湖閒散身倏無忽有時交詫咫尺煙波不相借

穉子牽絲似有情  
前村問酒先論價  
江淮以南曾畧多  
瀟湘向上皆風波  
公家正住魚龍窟  
我興即在滄浪歌  
滄浪歌長秋日短  
野水寒天迷近遠  
酒醒高堂看畫圖  
黃蘆瑟瑟江風滿

扇上釣魚圖

明 賀 欽

江上釣魚翁不識家  
何處我恨凌溪來  
安得與君住

釣魚圖

明 陳 雷

歌向滄浪獨羨魚  
釣竿閒却意何如  
磻溪夢裏青山老



猶遇君王載後車

題子昂江天釣艇圖

元陳旅

雨餘秋水滿山前正是江南落鴈天  
何處故人漁艇小  
斷蟬疎樹夕陽邊

題盛子昭臨吳興公溪山釣船圖

明虞堪

著我春江聽雨眠  
鷗波亭下水如天  
當時度得參差玉  
吹起春風滿釣船

為世賢題唐子華釣舟圖

明 吳寬

日落長堤古樹陰  
溪舟爭放碧溪潯  
看渠共理絲綸手  
真有前人竭澤心

沈啓南畫漁舟晚釣圖

明 文森

新豐酒波堪濯足  
塵土紅污酒波綠  
粗豪飲客下馬下  
三觥五籌行促促  
何如並著春江船  
蒲葦紫立柳黃眠  
船頭釣得縮項鰖  
賣之儘可供酒錢  
夕陽射眼拉柁轉  
江光帖天孤鳥遠

為彭子弘題漁釣圖

元 劉永之

彭郎磯畔小茅堂露滿秋林木葉黃石渚水生魚欲上  
一江風雨夜鳴榔

題山水釣魚小畫

明 程本立

人間萬事一絲輕江上數峯雙眼明老我不歸空看畫  
秋風又到洛陽城

春江獨釣圖

前金平陽人  
孫子安筆

元 王惲

渺渺春江碧若空一絲斜裊釣壇風富春莫擬幽棲穩

已在君王物色中

春江獨釣圖

元倪瓚

春洲荻蔣綠江水自空虛望山以高咏意釣不在魚

春溪獨釣圖

明高啟

春水鰕魚肥垂綸坐斷磯羊裘人易識好著舊蓑衣

題秋江垂釣圖

元趙孟頫

湘江霜冷鴈初飛雲滿君山樹影稀秋色天涯元不盡

扁舟何事不知歸

題秋江垂釣圖

元 虞集

曉煙橫樹轉溪灣何事漁舟罷釣還  
門外秋風吹葉老幽人間看巨然山

題秋江把釣圖

元 黃鎮成

獨載輕舸過碧川一綸牽動楚江天  
蘆邊有月還吹笛柳外無風不繫船  
留火夜燃湘岸竹得魚朝送酒家錢  
十年湖海真如畫亦欲狂歌一扣舷

秋江獨釣圖

元 吳師道

我冠古服理絲綸恐是玄真輩行人今日官征算舟舫  
水雲莫倚自由身

題朱澤民秋江獨釣圖

元鄭東

山川無微雲萬物粲可數長江秋氣至美人在中渚涼  
風吹蘭舟木葉下如雨魴鯉豈必多書卷良可咀初非  
與世殊聊以樂空屢

題秋江漁釣圖

明林鴻

移舟向潭石投釣臨寒流餘懷本澹蕩況此滄江秋白

日既濯濯清飈何瀏瀏適意非在魚所希與神遊悠哉  
共恬淡惟應沙際鷗

秋江獨釣圖

明王直

蒹葭浙瀝秋雨霜明月照水天蒼茫扁舟靜夜泝空濶  
驚起沙邊鷗鷺行釣車不用置在傍此心寧羨鯉與魴  
叩舷獨往歌滄浪歌聲激烈增慨慷山中之人遙相望

秋江釣舟圖

明陸深

西風吹滿荻蘆花釀作霜寒啼亂鴉買得釣船如屋裏

只將秋水老南華

寒江獨釣圖

元 表士元

堪笑江湖幾釣徒  
朝來相喚暮相呼  
祇今風雪蒙頭處  
回首煙波一箇無

寒江獨釣圖

元 唐 肅

非為投竿為好奇  
江寒凍折釣翁髭  
緣知雪壓篷牕曉  
不載魚歸只載詩

獨釣寒江

明 徐 渭



大海有鯨魚五岳其鼻額任公釣不來煩爾一絲雪

空江獨釣圖

為璋  
姪題

明  
陳 珪

一氣團虛亘寥廓天光雲影鏡中落紛紛物態從更變  
眼底何如阿翁樂名利不牽身獨閒萬頃滄波百尺竿  
溪月江風隨意取星星短髮顏如丹潮來潮去憑此竹  
不釣齊璜釣荆玉遊鱗掣破浪花圓欵乃一聲山水綠  
君不見渭濱人熊羆不入姬文夢百歲風光老釣綸又  
不見嚴灘老漢家名節在一絲雲臺事業跡如埽誰寫

斯圖託意深小阮重之輕南金特來索我題佳句薰風  
灑灑清煩襟幾向濯清亭子上凭欄相對成惆悵安得  
呼酒傾百壺爛醉沙頭續漁唱

題滄江獨釣圖

明 劉基

山繞滄江一釣船又隨斜日下長川小魚不食大魚去  
風定遠林生白煙

桐江獨釣圖

明 商輅

拂袖長歌入富春滄江深處獨垂綸短蓑不換軒裳貴

千載高風有幾人

題澄江釣叟圖

明 廖道南

江上青山翠欲流  
江頭白浪雨初收  
漁竿夙協磻溪兆  
鶴夢曾經赤壁遊  
天外帆檣臨碧海  
雲中樓閣即丹丘  
懸知別浦通幽處  
自有神槎汎斗牛

題田使者玉泉垂釣圖

元 王惲

渭畋應未兆  
非熊底是曾  
蟠萬丈虹  
辨與澄湖三百頃  
一絲斜裊綠揚風

題長溪獨釣圖

元 丁鶴年

溪上釣西風心隨溪水東後車今已載何待兆非熊

題宋元凱都市寺為中正堂畫溪山晚釣圖

元 鄭洪

百畝青山二頃田金溪南畔竹菴前紺園蒼菊花香澹  
寶地杪樞樹影圓日日釣絲牽葑雨年年禪榻對茶煙  
郎星昨夜明如月偏照君家書畫船

題雙松獨釣圖

元 陶宗儀

雙松偃蹇水挾藍幾疊遙山送碧嵐一葉釣舟輕似葦  
短蓑煙雨老江南

次韻趙子野石城釣月圖

宋樓鑰

石城江頭可憐月曾照六朝清夜獵古往今來知幾何  
長江衮衮蕭蕭葉謫仙去後詩盟寒王孫詩瘦清樂樂  
詩情浩蕩坐無奈扁舟笑把磻溪竿江平風輕波瑟瑟  
宿靄卷空天一色東風吹月入長安一卷風流坐中得  
初讀神意清再讀胸次平回頭明月祇如故世上興廢

徒紛更想君一葉自掀舞夜靜水寒誰與語船頭有酒  
且孤斟莫向金陵重懷古

秋江釣月圖歌

元劉因

南山舞空趨翔鸞北山人立如啼猿長流東來貫其腹  
謂是浙水屈曲萬丈之上源大魚奔騰鰭鬣焦小魚委  
靡隨江潮中有白玉蟾落落五采凝不消人言此蟾在  
天主陰魄淪沒何為水中宅簏簏千尺綸蟾永不受吞  
廣寒高居凌紫清日逐烏御不得停愛此江水碧倒空

浴影潛金精感君纏綿如有素瞬息還須上天去君不  
聞任公子東海投竿非小智又不聞嚴先生羊裘古瀨  
成高名君家慈母占畢逋百尺樓觀端可居黃金之釣  
不復理明月年年在秋水

黃清夫秋江釣月圖

元趙孟頫

塵土染人衣袂煙波著我船牕為問行歌都市何如釣  
月秋江

題黃隱君秋江釣月圖

元范梈

舊識先生隱者流，偶因圖畫想滄洲。  
斷雲滿路碧牕晚，明月何年青嶂秋。  
世故風塵雙短屐，生涯天地一扁舟。  
何由白石空磯畔，招得人間萬戶侯。

釣雪圖

元 袁 桷

明月入水底，摩盪空江雪。  
昂昂垂綸翁，在雪不在月。  
悟彼玄化理，不寐坐明發。  
我舟非無槳，我車詎無轍。  
迂儒守繩樞，世胄貫華閥。  
願以千尺竿，截為濟川筏。

題寒江釣雪

元 馬祖常



欲買韓家舊石淙釣魚竿底是寒江淮南十月蒹葭岸  
曾見冰花到小牕

釣雪圖

元薩都拉

天寒日暮烏鴉啼江空野濶黃雲低村南村北人跡斷  
山前山後玉樹迷歌樓酒香金帳暖豈知蓬底魚羹飯  
一絲天地柳花春萬里煙波蓮葉遠風流不數王子猷  
清興不減山陰舟人間富貴草頭露桐江何處覓羊裘  
還君此畫三歎息如此江湖歸未得洗魚煮飯捲孤篷

江上雲山好顏色

釣雪圖

為文選喬希大題

明

呂憲

寒波雪片霏霏雨老漁宿昔扁舟具龍伯宮前擲一絲  
細鱗縮項隨煙霧霓竿本解釣珊瑚俗情大笑何曾顧  
太平無事用鷹揚惡風白浪弓旌暮蓑笠間吟柳柳州  
眼中枉費頻招呼我待明年春水時去逐桃花傍巖住  
寒江釣雪

明

周復俊

嵐雲凍不飛江水明素練千林冥若空遙峰隱還見漁

歌巖下起落日聲猶轉

寫立釣圖

明 李日華

遊魚得餌喻復吐立釣纔知縱與沉雲影自移山自靜  
由來不礙樹邊吟

題罷釣圖

明 張鳳翼

輕鷗飛鷺漫沉浮未晚停橈紅蓼洲明月滿船君莫笑  
有風波處不垂釣

罷釣圖

為翟少參  
文光題

明 楊基

畏途萬里費經遊到處紅塵沒馬頭何日釣竿從此老  
也分一片荻花秋

題鐵仲堅宣差所藏羅稚川煙村圖

元劉詵

荒村漠漠煙連山誰家野店兩樹間青帘稍出樹梢外  
秋風敗葉寒斑斑路通白石流水亂長橋縹緲依山澗  
漁姑得酒歸意速攜稚渡橋如落鴈寒藤老木又一川  
曾船方饌曾斜懸有魚有酒復有客風致何必能詩篇

亂鴉幾點天疑莫欲泊未泊環高樹小舟七八散前灘  
或倚長篙收釣具君不見鴟夷一舸遊五湖子陵羊裘  
釣桐廬安知若人非其徒

彷彿巨然煙艇

明  
李日華

煙山煙樹又煙沙翠綠茫茫何處家只有漁翁知活計  
水天空濶傍蘆花

題劉光朝小景圖

元  
陳泰

江雲慘淡江風驕欲行不行誰渡橋舟中漁父晚更急

賣魚歸來醉無力漢陽城郭鸚鵡洲我昔曾泛馮夷秋  
如今此景是何處擬向劉郎辨煙樹

題小景

明  
張以寧

雀啁江頭秋稻花顛風吹柳一行斜漁舟細雨獨歸去  
白石滄江何處家

題子昂畫

明  
王達

闕下歸來覓釣舟黃金帶重雪盈頭鯉魚風起芙蓉落  
一縷絲懸玉鏡秋

題小畫

明 謝 矩

撒罷絲綸漾小舟  
綠陰祇在水西頭  
得魚換酒尋常事  
日暮歸來且暫休

小景

明 祝允明

濃雲壓嶺雨初至  
密葉障林風更多  
只有漁翁能了事  
一枚圓笠半肩蓑

為王章甫畫

明 李日華

黃葉陂深隱釣舟  
蓼花瑟瑟水悠悠  
鷓鴣睡熟漁翁醉

偷取瀟湘一段秋

跋武元直漁樵閒話圖

金趙秉文

兩翁久忘世木石以為徒偶然相值遇風月應指呼廢  
興非吾事胡為凡區區但覺腹中事似落紙上圖一以  
我為漁神遊渺江湖一以我為樵夢為山澤臞形骸隨  
所遇何者為真吾尚忘彼與此况復朝市娛西風下落  
日渡口炊煙孤無問亦無答長嘯歸來乎

漁樵閒話圖

元王惲



艤舟弛擔兩欣然千古興亡話眼前忘却前溪歸路晚  
暝煙橫合碧山顛

漁樵問答圖

元 袁 桷

翠嶺邀黃鳥蒼波翫白鷗偶因平地坐始識世間愁

漁樵問話圖

明 楊 基

君收綸我停斧且向谿頭話今古屈宋文章麤下薪韓  
彭事業庖中鮓世上功名賤如土何須了了文兼武君  
貫魚我負芻有酒可換不可沽青山滿眼同一醉勿論

區區榮與枯

漁樂樵隱二圖

為吳隱君題

明儲巵

鷗波濯足柳維舟  
閱盡滄江到白頭  
偶與野人相話及  
夜來閒夢入西周

黃帽青鞋懶折腰  
擬隨麋鹿住山椒  
少年操斧曾傷手  
只傍風林拾墮樵

題樵漁圖

二首

元貢師泰

長松如蓋復如輪  
袒腹支頤倚樹身  
誰謂樵夫避辛苦

乾坤許我一閒人

一蓑煙雨一竿風  
江海茫茫望眼空  
不是渭陽曾遇獵  
世間誰復識漁翁

為陳叔原題漁樵圖

明  
藍智

武夷老人年七十  
晝業漁樵夜妻織  
有兒長大不讀書  
采山釣瀨供衣食  
此翁自是神仙徒  
牀頭酒香不用沽  
生逢太平少征歛  
雖有生涯無官租  
昨朝自攜書一束  
過我衡門看秋菊  
新圖蒼莽煙水寒  
復有疎篁間枯木

一客負薪山路長一客榜舟漁在梁  
荒村無人日未落偶坐有意俱相忘  
知君老去猶愛此能以安閒遺孫子  
愧我十年塵土間按圖欲借溪南山

題漁樵圖

明僧宗泐

兩客此相遇百年天與閒  
艤舟臨碧岸吹笛對青山  
怪樹依巖老幽花笑日殷  
畫圖誰不羨塵土自摧顏

題郭熙畫樵夫渡水扇

宋文彥博

淺水深山一徑通  
樵夫涉水出林中  
可憐畫筆多情思

寫在霜紈一扇風

為疇齋張府卿作樵雲圖

元馬臻

喧寂本異軌乃知靜者心清晨整芒屨斧斤入山林擔  
挑煙霞氣出沒窮幽深終南太華長入眼蕭蕭不斷松  
濤響靜觀天地生化機抱膝無言坐成晚昔日會稽朱  
買臣汲汲行吟背負薪輕將富貴博幽意野風吹老青  
山春碧桃花底煙光莫應見仙人著碁處時清不用歌  
紫芝獨自穿雲下山去

樵隱圖 二首

元 陳 樵

清晨執柯出負薪  
薄暮歸豈無登頓勞  
獨與憂患違  
山深雲冉冉樹密芳菲菲  
猿鳥久相狎  
世事俱忘機  
買臣昔採薪  
頗似遠名利  
何事五十年  
却復懷富貴  
古來樵牧閒  
多非隱淪地  
寄言謝君子  
無使心跡異

呂氏樵隱圖

元 陳 樵

山靄氤氳溼綠叢  
無人空谷伴狂歌  
千年甲子碁邊老  
兩字功名世外多  
乳鹿穿雲覓芝草  
驚猿抱子度煙蘿

心閒便是神仙侶莫對癡兒說爛柯

暮嶺歸樵圖

明 祝允明


吳山嶺頭風蕭蕭吳山落日紅抹腰蜿蜒鳥道自能認  
只在山中非市朝燒薪煖酒換魚煮五十行歌氣如虎  
朱翁側足金馬門吾儂未舍無嫌路

題鄱陽楊蘭谷漁樵耕牧圖

元 李 祁

我家雲陽東衣食在漁稼朝耕白雲邊暮釣青溪下有  
時逐樵牧談笑至昏夜自云此真樂此樂天所借亂離

寄他鄉奔走不遑暇蹉跎幾經年及此見圖畫蒼茫指  
顧中彷彿在田舍四事苦難併苟得亦可詫何時賦歸  
來雞豚饜春社





御定歷代題畫詩類卷六十八

# 欽定四庫全書

集部

御定歷代題畫詩類卷

六十九至  
七十二

詳校官侍郎<sub>臣</sub>李封

主事銜<sub>臣</sub>徐以坤覆勘

總校官降調編修<sub>臣</sub>倉聖脉

校對官編修<sub>臣</sub>吳錫麒

謄錄監生<sub>臣</sub>黃恒謹

欽定四庫全書

御定歷代題畫詩類卷六十九目錄

耕織類

題耕織圖二十四首奉懿旨撰

元趙孟頫

題耕織圖

明李進二首

題蠶桑綺陌冊

明董其昌

禾簇簇題鄒福所藏勤耕圖

元傅若金

省耕圖

明董其昌

省耕圖

明祝允明

閱耕圖

明張邦奇

應朋來臨別索題存耕舊隱圖

宋戴奎

題趙繼卿耕隱圖

元楊奐

題雲莊耕隱圖

元陶宗儀

謝君寄一犁春雨圖求詩為作絕句

宋陸游

謝耕道犁春雨圖

宋趙師秀

題謝耕道一犁春雨圖

宋魏了翁

題楊諭德東臯春雨圖

明楊榮

溪田過雨圖

明陳仲完

題劉逸人樂耕卷

明楊士奇

樂農卷

明陳振

書耕卷

明王恭

濯隴圖

明李廷儀

村田圖雜詠

明蔣冕

村田景

明蔣冕

趙千里田家四季圖 明僧西白二首

題申之寄示春郊畫軸 宋樓鑰

里社圖 元劉因二首

次韻玉堂畫壁 元袁桷

跋豐稔還鄉圖 元王惲

題石恪畫機織圖 宋黃庭堅

題樓攻媿織圖 元虞集三首

題紡織圖 元王惲

紡績圖

元貢奎

蠶桑圖

元吳師道

題錢舜舉畫蠶桑圖

明虞堪

題丹陽賀氏採桑飼蠶圖

明俞泰

題韓晉公邨田歌舞圖後

宋文彥博

次韻和文潞公題韓百公村田歌舞圖後

宋韓琦

題申季山家所藏李伯時畫村田樂圖

宋戴復古

題村田樂圖

元虞集

題村田樂圖

元謝應芳

題富好禮所畜村樂圖

明劉基

田家留客圖

元納延

邨社醉歸圖

元陳旅

題李唐村社醉歸圖

元朱德潤

田家慶壽圖

明高啟

題田家娶婦圖

明程敏政

御定歷代題畫詩類卷六十九目錄



欽定四庫全書

御定歷代題畫詩類卷六十九

耕織類

題耕織圖二十四首奉懿旨撰

元趙孟頫

田家重元日置酒會鄰里小大易新衣相戒未明起老  
翁年已邁含笑弄孫子老嫗惠且慈白髮被兩耳杯盤  
且羅列飲食致甘旨相呼團欒坐聊慰衰莫齒田硯藉  
人力糞壤要鋤理新歲不敢間農事自茲始

東風吹原野地凍亦已消早覺農事動荷鋤過相招遲  
遲朝日上炊煙出林梢土膏脉既起良耜利若刀高低  
徧翻墾宿草不待燒幼婦頗能家井臼常自操散灰緣  
舊俗門逕環周遭所冀歲有成殷勤在今朝

良農知土性肥瘠有同時至萬物生芽蘖由地中秉  
耒向畝畝忽徧西與東舉家往于田勞瘁在爾農春雨  
及時降被野何濛濛乘茲各播種庶望西成功培根利  
秋實仰天望年豐但使陰陽和自然倉廩充

孟夏土加潤苗生無近遠漫漫冒淺陂  
芄芄被長阪嘉穀雖已殖惡草亦滋蔓  
君子與小人並處必為患朝朝荷鋤往  
耨耨忘疲倦旦隨鳥雀起歸與牛羊晚  
有婦念將飢過午可無飯一飽不易得  
念此獨長歎

仲夏苦雨乾二麥先後熟南風吹隴畝  
惠氣散清淑是為農夫慶所望實其腹  
酤酒醉比鄰語笑聲滿屋紛然收穫罷  
高廩起相屬有周成王業后稷播百穀  
皇天貽來牟長世自茲卜願言乘歲稔  
四海盡蒙福

當晝耘水田農夫亦良苦赤日背欲裂白汗灑如雨  
匍行水中泥淖及腰脅新苗抽利劒割膚何痛楚夫耘  
婦當饁奔走及亭午無時暫休息不得避炎暑誰憐萬  
民食粒粒非易取願陳知稼穡無逸傳自古

大火既西流涼風日淒厲古人重稼穡力田在匪懈郊  
行省農事禾黍何旆旆碾以他山石玉粒使人愛大祀  
須粢盛一一稽古制是為五穀長異彼稊與稗炊之香  
且美可用享上帝豈惟足食人一飽有所待

白露下百草莖葉日紛委是時禾黍登充積徧都鄙在  
郊既千庾入邑復萬軌人言田家樂此樂誰可比租賦  
以輸官所餘足儲峙不然風雪至凍餒及妻子優游茅  
簷下庶可以卒歲太平原有象治世乃如此

大家饒米麪何啻百室盈縱復人力多舂磨常不停激  
水轉大輪磴碾亦易成古人有機智用之可厚生朝出  
連百車莫入還滿庭勾稽數多寡必假布算精小人好  
爭利晝夜心營營君子貴知足知足萬慮輕

孟冬農事畢穀粟既已藏彌望四野空藁秸亦在場朝  
廷政方理庶事和陰陽所以頻歲登不憂旱與蝗置酒  
燕鄉里尊老列上行肴羞不厭多烹羔復烹羊縱飲窮  
日夕為樂殊未央禱天祝聖人萬年長壽昌

農家值豐年樂事日熙熙黑黍可釀酒在牢羊豕肥東  
鄰有一女西鄰有一兒兒年十五六女大亦可笄財禮  
不求備多少取隨宜冬前與冬後婚嫁利此時但願子  
孫多門戶可扶持女當力蠶桑男當力耘耔

一日不力作一日食不足慘淡歲云莫風雪入破屋老  
農氣力衰偻僂腰背曲索綯民事急晝夜互相續飯牛  
欲牛肥芟藁亦預蓄蹇驢雖劣弱挽車致百斛農家極  
勞苦歲豈恒稔熟能知稼穡艱天下自蒙福

### 右耕

正月新獻歲最先理農器女工並時興蠶室臨期治初  
陽力未勝早春尚寒氣窻戶當奧密勿使風雨至田疇  
耕耨動敢不修耒耜經冬牛力弱相戒勤飯飼萬事非

預備倉卒恐不易田家亦良苦舍此復何計

仲春凍初解陽氣方滿盈旭日照原野萬物皆欣榮是  
時可種桑插地易抽萌列樹徧阡陌東西各縱橫豈惟  
籬落間採葉憚遠行大哉皇元化四海無交兵種桑日  
已廣彌望綠雲平匪惟錦綺謀祇以厚民生

三月蠶始生纖細如牛毛婉孌閨中女素手握金刀切  
葉以飼之擁紙散周遭庭樹鳴黃鳥發聲和且嬌蠶飢  
當採桑何暇事遊遨田時人力少丈夫方種苗相將挽



長條盈筐不終朝數口望無寒敢辭終歲勞

四月夏氣清蠶大已屬眠高首何昂昂蛾眉復娟娟不  
憂桑葉少徧野如綠煙相呼攜筐去迢遞立遠阡梯空  
伐條枚葉上露未乾蠶飢當早歸秉心靜以專飭躬修  
婦事黽勉當盛年救忙多女伴笑語方喧然

五月夏已半谷鶯先弄晨老蠶成雪繭吐絲亂紛紜伐  
輦作簿曲束縛齊榛榛黃者黃如金白者白如銀爛然  
滿筐莒愛此顏色新欣欣舉家喜稍慰經時勤有客過

相問笑聲聞四鄰論功何所歸再拜謝蠶神

釜下燒桑柴取繭投釜中纖纖女兒手抽絲疾如風田  
家五六月綠樹陰相蒙但聞繰車響遠接村西東旬日  
可經綃弗憂杼柚空婦人能蠶桑家道當不窮更望時  
雨足二麥亦稍豐酤酒田家飲醉倒嫗與翁

七月暑尚熾長日弄機杼頭蓬不暇梳揮手汗如雨嚶  
嚶時鳥鳴灼灼紅榴吐何心娛耳目往來忘偃僂織為  
機中素老幼要紉補青燈照夜梭蟋蟀牕外語辛勤亦

何有身體未幾縷嫁為田家婦終歲復勞苦

池水何洋洋漚麻水中央數日庶可取引過兩手長織  
絹能幾時織布已復忙依依小兒女歲晚數無裳布襦  
不掩脛念之熱中腸朝緝滿一籃暮緝滿一筐行看機  
中布計日漸可量我衣既已成不憂天早霜

季秋霜露降凜凜寒氣生是月當授衣有布織未成天  
寒催刀尺機杼可無營教女學紡纆舉足疾且輕舍南  
與舍北嚶嚶聞車聲通都富豪家華屋貯娉婷被服雜

羅綺五色相間明聽說貧家女惻然當動情

豐年禾黍登農心稍逸樂小兒漸長大終歲荷鋤鑿目不識一字每念心作惡東鄰方迎師收拾令上學後月日南至相賀因舊俗為女裁新衣修短巧量度龜手事塞向庶禦北風虐人生真可歎至老長力作

冬至陽來復草木潛滋萌君子重其然吾道自此亨父母坐堂上子孫列前榮再拜稱上壽所願百福并人生屬明時四海方太平民無札瘥者厚澤敷羣情衣食苟

給足禮義自此生願言興學校庶幾教化成

忽忽歲將盡人事可稍休寒風吹桑林日夕聲颼颼牆  
南地不凍墾掘為坑溝斫桑埋其中明年芽早抽是月  
浴蠶種自古相傳流蠶出易脫殼絲續亦倍收及時不  
努力知有來歲不手凍不足惜冀免號寒憂

右織

題耕織圖

二首

明  
李進

西疇昨夜膏雨足村村綠樹啼布穀農夫相喚整鋤犁

早起驅牛出茅屋土腴牛健耕易深暖雲籠日春陰陰  
斜陽未下終十畝一卷遺經行自吟山妻相敬如賓友  
炊黍烹葵饁南畝溪邊濯足隴頭坐高歌且盡壺中酒  
年來不用憂旱澇高田宜黍低宜稻官租納足食有餘  
社酒雞豚自相勞人言耕夫苦我道田家好但願五風  
十雨年穀登室家團樂永相保

吳蠶作繭明於雪苔溪之水清且冽東鄰西舍縑車鳴  
銀絲出盆光皎潔官稅已輸私債還美人曉織綠窻間

嬌鶯睨曉機聲度春筍參差玉指攀織成素絹堅且緻  
先奉翁姑後夫壻朔風吹水霜雪飛夫不憂寒妾如意  
君不見青樓豔女好蛾眉留客高歌送酒卮纏頭蜀錦  
不知數黃金莫盡朝別離不如田家荆布妻貧富苦樂  
長相隨採桑養蠶繅好絲年年織絹製郎衣

題蠶桑綺陌冊

明  
董其昌

百里春申路欣歌田畯詩行車膏作雨沃野錦為陂子  
婦饁堪餉曾孫稼若茨誰能憂藿食慈母更農師

禾簇簇題鄒福所藏勤耕圖

元 傅若金

禾簇簇禾簇簇去年缺雨今年足人家耕種少得閒一  
春強半田中宿塘上水生禾欲齊春禽愛近落花啼出  
入無人看門戶野庭一任人來去有時耕罷亦長吟歸  
來不記入村深書編從挂牛角上詩卷閒留桑樹陰田  
家小心畏法令嘗願秋租得餘剩鄰翁昨日到城還聞  
說官家有新政民間禁馬不禁牛有牛耕田君莫愁

省耕圖

明 董其昌



融風扇時燠東臯農事起田畯遵時令平秩從茲始溝  
塍迂以直畚鍤煙雲裏腰鎌乍刈葵攜醴齊炊黍鷄野  
際熙陽鸞旂麗京坻檐檐撫籍衣剡剡染場屨天近雨  
粟多日臨土膏美汗漫八駿游蕪沒三推址瞻此省耕  
儀風規傳畫史願置黼座前勞農振前軌

省耕圖

明  
祝允明

老農真我事何敢笑樊須植杖芸苗處伸眉納稅餘鉏  
頭三寸澤田舍五行書飽飯高眠熟朱門未必如

閔耕圖

明張邦奇

春雨肥東菑春風吹短褐一犁但使衣食充百畝長遺  
子孫活君不見叩角歌聲暫歇他日逢時作伊葛

應朋來臨別索題存耕舊隱圖

宋戴奎

憶昔百丈巖前遊泊船去登湖上樓天清野曠一凝望  
錦屏森列當前頭中見蒼崖拔地起絕憐嘉木連雲稠  
竄篠回溪出僧宇參差危壑生懸流人言此地儻歸隱  
布衣便欲輕公侯茅屋春深薜荔長石闌路遠叢篁幽

長鏡茯苓靜可劖空林柿葉寒仍收回頭世事忽如蜩  
廿年誤向紅塵住不知何日繼追尋每憶此山勞夢寐  
應君示我新畫圖開卷中堂起煙霧摩挲濃墨思舊經  
却似登樓看山處君謂松根即故廬一榻左右俱圖書  
沙田水足牛力壯歸耕試論今何如先王井田法已墜  
阡陌鈎連屬豪貴前年東家強索租今年租入西家去  
白雲蒼狗在須臾能事只耕方寸地父老同知稼穡難  
兒孫共獲菑畲利秋風歸帆我獨遲石田草莽耕何時

君行已得圖中意臨分為寫存耕詩

題趙繼卿耕隱圖

元楊奐

惜君玉雪成老醜知君近出太常後求田問舍計差早  
恐君不是扶犁手長安冠蓋鬧於雲但說子真耕谷口  
此心肯處萬事了直待鐘鳴奈衰朽溪山入眼畫樣新  
雨翠煙嵐浮戶牖松亭可琴水可舟中有石田三百畝  
剩鉏烏豆種紅秫十畝桑麻居八九軟浸豆屑飯晨犢  
濃湯秣腴筍社酒冷盆繅絲給公上挑燈紡績裏妾婦

索錢豪吏喜食肉準備羹材養雞狗荆棘滿野獨漏網  
太常遺澤亦已厚軍興科徭古不免為勸比鄰死莫走  
殘年得飽實大幸傍舍猥籬插花柳君家平日無雜賓  
我輩過門須一叩若非代北少陵翁定是周南紫陽叟  
更闌朗詠除夜篇聊與蒼生起塵垢

題雲莊耕隱圖

元  
陶宗儀

亂雲深處水回環南畝無多屋數間曉起一犁春雨足  
夕陽牛角挂書還

謝君寄一犁春雨圖求詩為作絕句

宋陸游

說著功名我自羞  
喜君解劍換吳牛  
莫將江上一犁雨  
輕博人間萬戶侯

謝耕道犁春圖

宋趙師秀

春雨年年有良田  
歲歲無何因將此  
事須要畫為圖  
野水寒初退平林  
綠半蕪長謠謝沮  
溺未必子知吾

題謝耕道一犁春雨圖

宋魏了翁

牀頭夜雨滴到明邨南邨北春水生老婦攜兒出門去  
老翁赤脚呵牛耕一雙不借挂木杪半破夫須衝曉行  
耕罷洗泥枕犢鼻卧看人間蠻觸爭

題楊諭德東臯春雨圖

明楊榮

春至時雨降駕言向東臯驅牛種嘉苗稂莠亦以薈所  
期歛獲豐詎辭筋力勞時復事簡編或以酌醴醪熙然  
隴畝間此樂奚其高挂冠未有期南望徒鬱陶託此寓  
幽意毋使心忉忉

溪田過雨圖

明 陳仲完

時雨忽已徧羣山朝來晴溪田漲新綠溝澮悉皆盈倦  
茲天氣好布穀聲嚶嚶龜勉事東作孰計勞其形浩浩  
谷口趣猗猗丈人情竭來應徵辟遠入嵩陽城寫圖想  
舊業千里雲煙橫

題劉逸人樂耕卷

明 楊士奇

理生雖異業居世皆有務治本既在茲食力余所慕九  
扈春始鳴興言向田墅初來正溝塍爰方藝禾黍雖有



耕耨勞三時且甘雨歲功聿已成屢豐報田祖儲峙何  
必多取具充寒暑有酒可同歡時時會鄰父既醉去悠  
然登高睇平楚一為擊壤謠游心緬千古

樂農卷

明  
陳振

負郭生涯數畝田朝耕暮息興悠然門無胥吏催租稅  
囊有兒孫趁社錢厨下晨炊翻白雪牀頭春釀瀉紅泉  
清時不是龐公隱鼓腹長歌大有年

書耕卷

明  
王恭

石田新雨苔花碧  
禾黍秋香百餘石  
誰教釀作甕頭春  
醉裏看山了殘帙  
讀書何必問時清  
縱有荒年莫廢耕  
鹿門精舍青山裏  
春去秋來無宦情

濯隴圖

明

李廷儀

濯隴雨晴春水生  
人人驅犢隴頭耕  
太平不在笙歌裏  
只聽前邨打稻聲

村田圖雜詠

明

蔣冕

茅舍新蠶作繭遲  
鄰家桑柘盡空枝  
持筐欲向街頭買

更恐豪門索舊絲

村田景

明 蔣冕

圜豕登盤酒滿壺  
高堂紅燭瑞煙敷  
里巫唱罷攔門曲  
新婦升堂拜舅姑

趙千里田家四季圖

二首

明 僧西白

桃花浪已深楊柳風猶弱  
鄰曲欣往來逢迎勸耕作  
健犢不自暇老農良有託  
共醉社日尊陶然得真樂

蠶事方告成鳴蜩有新聲  
插秧雨初遍治草日不停  
雜

坐高樹陰解衣午風清作勞時自逸孰謂非常情

題申之寄示春郊畫軸

宋樓鑰

郊原融融春意足細草淒迷芳樹綠鴈鶩無數泛陂塘  
牛羊相與隨芻牧幾年不泛浙西船恍如蘓臺俯平川  
閒人憂國無他策但願好雨成豐年

里社圖

二首

元劉因

薄賦輕徭復有秋天恩帝力為誰優老盆醉殺邨夫子  
盡道今年好社頭

亂後疲民氣未蘇  
荒煙破屋半榛蕪  
平生心事義皇上  
回首相看是畫圖

次韻玉堂畫壁

元表桷

至人悟窮達  
斂跡寓龍畝  
良苗貴深扶  
掘土戒蒿蕞  
靄靄新陽浮  
高下接紫宙  
跨犢東南行  
問事一俯首  
新雨瀉溝塍  
交流媚川后  
輟耕非素心  
帝命資左右  
相彼前山雲  
倏迷復還岫  
卷舒樂槃澗  
署筆寫其舊  
清秋映空谷  
風雨百神守  
夙昔經濟姿  
志不在杯酒  
要使風俗淳

斯民樂仁壽

跋豐稔還鄉圖

元王惲

廟堂真宰拜姚崇斗米三錢四海同今日太平應有象

畫家消息恐難工

題石恪畫機織圖

宋黃庭堅

荷鉏郎在田行餉兒未返終日弄鳴機恤緯不思遠

題樓攻媿織圖

三首

元虞集

鄉里蠶桑勿失時畫圖勸相又題詩當時補衮應無缺

金玉餘音到繭絲

吳越蠶桑用日多  
始終吟詠極婆娑  
玉成繭館閒琴瑟  
宜薦房中備樂歌

昔者東南杼柚空  
詠歌蠶織到圖窮  
勸農十道先齊魯  
百世興王衣被功

題紡織圖

元  
王 惲

三晉遺黎樂土農  
締綌為業畧相同  
細思七月豳風詠  
不到春坊錦繡功

紡績圖

元貢奎

婦姑紡績夜闌時  
月落車寒手轉遲  
應媿西鄰歌舞散  
酒酣春夢繞深帷

蠶桑圖

元吳師道

詩圖草木蟲與魚  
就中寫出幽風圖  
忠臣方寸寓物色  
欲使目擊知艱虞  
公宮親蠶古遺制  
手持青青有風戾  
四海枝條雨露春  
萬家機杼升平世  
誰知後有歌舞荒  
裁雲剪鳳金煌煌  
歲輸下了一日費  
紅女夜泣寒無裳



畫師此意誰能識不寫尋常奇麗質數葉娟娟即諫書  
品目人間當第一

題錢舜舉畫蠶桑圖

明虞堪

桑中鳴禽巧如鳩吳孃養蠶夜不歇煖雨寒風惱殺人  
正是江南三四月苔溪遺老白髮翁畫蠶畫葉搖春風  
千金難買吳孃笑故寫生枝樵子紅

題丹陽賀氏採桑飼蠶圖

明俞泰

一從西陵浴蠶始開我萬世資生原五畝牆邊樹桑柘

衣裳乃服由軒轅王澤寢衰不下究棄置田廬作園囿  
閭閻無復採桑人却欲重重被文繡吁嗟皇妃躬祀夫  
人繅豈故惡逸為勤勞公桑蠶室古來重里罰有布懲  
不毛崇陽拔茶易桑植乖崖卓有先幾識四野陰稠桑  
作林襄城歌舞忠宣德上有作者民斯從三吳非復當  
時風一花一木務珍玩飼蠶樹老煙蕪叢茲圖宛然舍  
諷意彷彿東郊勸蠶事桑陰筐篋去復來屋裏婦姑忙  
不寐簇箔層層候起眠客繭繅絲說去年却歎官租猶

未了莫教重貢八蠶綿

題韓晉公邨田歌舞圖後

宋文彥博

治世舒長日田家事力蘇干戈久不識簫鼓共為娛  
濁酒行無算酡顏倒更扶將求太平象此是太平圖

次韻和文潞公題韓百公村田歌舞圖後

宋韓琦

升平胡可狀歌舞入樵蘇歲美人皆樂朝和野共娛  
心休無事擾本固絕顛扶我願明時治長如此畫圖

題申季山家所藏李伯時畫村田樂圖

宋 戴復古

春秧夏苗秋遂穫官賦私逋都了却雞豚社酒賽豐年  
醉唱村歌舞村樂鼓笛有聲無曲譜布衫顛倒傴僂舞  
欲識太平真氣象試看此畫有佳趣管絃聲按宮商發  
細轉柳腰花十八羅幃繡幙拂香風九醞葡萄金盞滑  
王孫公子巧歡娛勿將富貴笑田夫非渠耕稼飽君腹  
問有黃金可樂無

題村田樂圖

元虞集

尺素自是高唐物，瑩如秋水宜設色。何人畫此畎畝間，  
二三老人若相識。茅屋蕭條古樹下，農務未殷牛在野。  
或憐鸚鵡脫籠繫，或弄獼猴笑真假。老翁政自如兒嬉，  
高髻襁負相扶持。古時粉社祀田祖，移饌高亭隨所宜。  
抱甕初來未貯酒，亦有生鶩宛延首。村優競攜樂具至，  
犬怪雞驚兒拍手。拄杖出門欣見賓，雜花滿庭生好春。  
歲時無事得如此，擊壤何必非堯民。騎驢過橋殊矍鑠，

攜具荒陂來赴約定知張果千歲人游戲人間共杯酌

題邨田樂圖

元謝應芳

老人邨老瓦盆嘗作雞豚社不識州縣門阿翁醉倒阿  
婆笑膝上咿啞弄乳孫

題富好禮所畜村樂圖

明劉基

我昔住在南山頭連山下帶清溪幽山顛出泉宜種稻  
繞屋盡是良田疇家家種田恥商販有足嬾踏縣與州  
西風八月淋潦盡稻穗櫛比無蝗蝻黃雞長大白鴨重

瓦甕琥珀香新篋芋魁如拳栗殼赤獻罷地主還相酬  
東鄰西舍迭賓主老幼合坐意綢繆山花野葉插巾帽  
竹箸漆碗兼磁甌酒酣大笑雜語謔跪拜交錯禮數稠  
或起頓足舞侏儒或起拍手歌甌篋傾盆倒盪混醢醬  
爛漫霑漬方未休兒童跳躍坐喧譟執遁逐走同侪因  
出門不記舍前路顛倒扶掖迷去留朝陽照屋且熟睡  
官府亦簡少所求寧知宴安含酖毒耒耜一變成戈矛  
高門大宅化灰燼蓬蒿瓦礫塞道周春燕營巢在林木

深山露宿隨猿猴三年避亂客異縣側身天地如浮漚  
親朋阻隔童僕散疏食水飲不自謀有時惝恍夢閭里  
驚覺五內攢百憂君家畫圖稱絕妙鑒別曾遇柯丹丘  
想應臨搨出秘府筆意精到世罕儔邨歌社舞自真率  
何用廣樂張公侯太平氣象忽在眼令我感愴涕淚流  
近者鄉人來報喜今歲高下俱有秋豺狼食飽卧窟穴  
軍師已運招安籌人情自古共懷土况乃霜雨淒松楸  
神龜且被豫且困予所勿念天我尤積薪厝火非遠計



誰能獻納陳嘉猷長江波浪接淮泗白日慘澹騰蛟蚪  
天下農夫總供給隴畝不得安鋤耰市中食物貴百倍  
一豕之價過於牛魚鹽菜果悉買米官幣束閣若贅瘤  
朝餐僅了愁夕膳誰復有酒澆其喉循環天運往必復  
邪氣暫至不遠瘳此生此景須再覩引領悵望心悠悠

田家留客圖

為四明館師  
向先生賦

元納延

客來田家當六月主人相留樹邊歇呼兒牽馬飲清泉  
廚裏新漿解君熱郎君出城幾日前城中米價今幾錢

昨夜南村三尺雨不知還到城濠邊  
勿厭儂家茅屋小  
棘門新編土牆繞明朝早飯莫匆匆  
雞鳴送君出官道

邨社醉歸圖

元陳旅

溪村綠雨添新漲簫鼓青林答神貺  
春風里社太平民  
身世華胥牛背上

題李唐村社醉歸圖

元朱德潤

村南村北賽田祖夾岸綠楊聞社鼓  
醉翁晚跨犇牛歸  
老婦倚門兒引路信知擊壤自堯民  
季世龔黃不如古

披圖昨日過水南縣吏科徭日旁午

田家慶壽圖

明高啟

花滿茅堂映綵衣  
開門曉放鶴雛飛  
鄰翁壽畢共扶醉  
恰似春來社飲歸

題田家娶婦圖

明程敏政

逕草如煙柳如幕  
日上茅簷鼓聲作  
田翁遣女不出村  
東舍西鄰隔墟落  
新婦駕牛兒跨驢  
家人後擁翁前驅  
兒家舉酒攔道勸  
甥舅百世同桑榆  
耳邊阿婆私屬父

肩上嬌嬰肯離祖歡聲一路到柴關野伶山歌柘枝舞  
兩門彷彿朱與陳鄉儀簡古民風淳華筵酒肆設珠翠  
想見紛紛京洛塵婦饁男耕罷征戍安得移家箇中住  
長因擊節頌豐年不作催科打門句

御定歷代題畫詩類卷六十九

欽定四庫全書

御定歷代題畫詩類卷七十目錄

牧養類

書鼃說之考牧圖後

宋蘇軾

伯時彭蠡春牧圖

宋黃庭堅

李唐春牧圖

元任士林

題放牧圖

元丁立四首

題耕牧圖

元鄭允端

題韓幹野牧圖

明張鳳翼

題竹石牧牛

宋黃庭堅

題牧牛圖

宋陳與義

張世傑經歷牧牛圖

金段成己

題牧牛扇頭

金趙秉文

風柳牧牛畫冊

元劉因

牧牛圖

元王惲五首

韓滉牧牛圖

元程鉅夫

題牧牛圖

元吳澄

題牧牛圖

元陳旅

題牧牛圖

元張翥

題牧牛渡水圖

元貢師泰

題牧牛圖

元黃清老

題牧牛圖

元丁復

題牧牛圖

元貢性之

牧牛圖

元王良臣

牧牛圖

元田錫

題李唐牧牛圖

元鄭東

題牧牛圖

元釋恕中

題牧牛圖

明張以寧二首

牧牛圖

明錢宰

題牧牛圖

明林鴻

牧牛圖

明解縉

牧牛圖

明金幼孜四首



題李唐牧牛圖

明劉崧二首

題牧牛圖

明倪敬

題牧牛圖

明錢仲益

牧牛圖

明陳輝

秋山牧牛圖

明廖道南

牧牛圖

明廖道南

牧牛圖

明吳希賢

題牧牛圖

明林廷謨

牧牛圖 明林景清

牧牛圖 明黃榮

牧牛圖 明闕名

題老翁騎牛圖 明劉基

題野老醉騎牛圖 明錢宰

宋徽宗耕牛圖 明楊榮

題趙君發牧羊圖 宋韓駒

跋燕蕭牧羊圖 元王惲二首

牧羊圖

元袁桷三首

胡人牧羊圖

明尹耕

題劉光朝歸牧圖

元陳泰

題風雨歸牧圖

元錢惟善二首

青郊歸牧圖

明李廷儀

題畫牧

明王恭

題畫

明岳岱

經進鹽圖詩

明彭韶八首附錄

御定歷代題畫詩類卷七十目錄

欽定四庫全書

御定歷代題畫詩類卷七十

牧養類

書鼃說之考牧圖後

宋  
蘇軾

我昔在山間但知羊與牛  
川平牛背穩如駕百斛舟  
舟行無人岸自移我卧讀書牛不知  
前有百尾羊聽我鞭聲如鼓輦  
我鞭不妄發視其後者而鞭之  
澤中草木長草長病牛羊尋山  
跨坑谷騰趲筋骨強煙蓑雨笠長  
林

下老去而今空見畫世間馬耳射東風悔不長作多牛翁

伯時彭蠡春牧圖

宋黃庭堅

岳陽樓上春已歸湖中鴻鴈拍波飛布帆天濶隨鳥道  
石林風晚吹人衣春水初生及馬腹浮灘欲上西山麓  
遙看絕嶺秀雲松上有垂蘿暗溪谷沙眠草嚙性不驕  
側身注目鳴相招林間瞥過星爍爍原上獨立風蕭蕭  
君不見中原真種未沉沒南行市骨何倉卒祇收力健

載征夫肯向時危辨奇骨即今貢馬西北來東西坊監  
屯雲開紛然駑驥同一秣爾可不憂四蹄脫

李唐春牧圖

元  
任士林

春氣薰人未耕作江草青青牛齒白牛飢草細隨意嚼  
老翁曲膝睡亦著蓬頭不記笠拋却午樹當風夢搖落  
夢裏牛繩猶在握昨夜囹頭牛食薄

題放牧圖

四首

元  
丁立

村鼓誰家樂社神雨餘草木盡知春催科未動蠶桑了

此是山中放牧人

前山後山山鳥啼溪南溪北草離離秧田已足三時雨  
此是山中放牧時

楓林日落山徑微暝色欲合行人稀東家稚子候簷隙  
此是山中放牧歸

隔浦晚煙迷遠樹滿川春雨長平蕪數家茅屋疎林外  
此是山中放牧圖

題耕牧圖

元  
鄭氏名允



端

幽人薄世味耕牧山之陰自抱村野姿常懷畎畝心行  
行南山歌落落梁父吟挂書牛上角揮鋤瓦中金飽飯  
黃昏後力田春雲深四體勤樹藝三生悟浮沉巢父世  
高尚德公人所欽伊人去已遠高風邈難尋撫卷空歎  
息俯仰成古今

題韓幹野牧圖

明  
張鳳翼

渥洼水草正當時天許蘭筋野牧宜未遇王良應棄老

難逢伯樂敢稱奇偶然赭白曾題賦豈必驪黃始入詩  
千載獨憐韓幹筆不教巖穴肖胥靡

題竹石牧牛

宋 黃庭堅

野次小崢嶸幽篁相依綠阿童三尺箠御此老叢棘石  
吾甚愛之勿遣牛礪角牛礪角尚可牛鬪殘我竹

題牧牛圖

宋 陳與義

千里煙草綠連山雨新足老牛抱朝飢向山影覓鯨犢  
兒狂走先過浦却立長鳴待其母母兮為人實倉廩汝

飽不慙人媿汝牧童生來日日娛只愁身太常把鋤日  
斜睡足牛背上不信人間有黃輿

張世傑經歷牧牛圖

金段成己

綠陰深處戲童兒牛自東西兒不知休說兒狂無伎倆  
人間何事不兒嬉

題牧牛扇頭

金趙秉文

一牛顧其犢一牛軒尻睢傍有牧犢子窺巢攀樹枝嗟  
爾有餉具不念鴉雛飢烏鳥各天性飛來護其兒汝親

亦念汝而人獨不知不如兩相忘人禽兩娛嬉

風柳牧牛畫冊

元劉因

遠意昇平畫不勝牛邊煙樹渺層層前頭恐有桃林路  
百喚溪童不解應

牧牛圖

五首

元王惲

垂紉徐行信自如一揮鞭策見齊驅近來不似圖中看  
早塊敲蹄百草枯

青青草滿郊原放飽歸時不用牽何似人牛俱不見

碧天明月靜娟娟

綠楊堤岸曉風清  
碧草陂塘暮雨晴  
村落近年乾旱損  
却將圖畫看昇平

兩童相顧意何為  
猶恐渠飢赴草歸  
一道牧民無所事  
處心專在當家肥

飽耕飢放事年年  
放去收來任自然  
莫訝兩童無所識  
至今牛背是堯天

韓滉牧牛圖

元程鉅夫

農為天下本萬世此心同晴日開圖畫方知宰相功

題牧牛圖

元  
吳澄

樹葉醉霜秋草萎童驅鰕鯨涉淺溪一牛先登舐犢背  
犢毛濕濕猶未晞一牛四蹄俱在水引脰前望喜近堤  
一牛兩脚初下水尻高未舉後兩蹄前牛已濟伺同隊  
回身向後立不移一牛將濟一未濟直須並濟同時歸  
此牛如人有恩義人不如牛多有之人不如牛多有之  
笑問二童知不知

題牧牛圖

元  
陳旅

水樹春深藏野屋歸鴉飛盡夕陽川誰知天上黃姑渚  
只在南山白石邊

題牧牛圖

元  
張翥

去年苦旱蹠敲塊今年水多深沒鼻爾牛穀鯨耕得田  
水旱無情力皆廢畫中見此東臯春牧兒招搖犢子馴  
手持鵠鵠坐牛背風柳煙蒲愁殺人兒長犢壯須盡力  
豈惜辛勤供稼穡縱然喘死死即休不願徵求到筋骨

題牧牛渡水圖

元貢師泰

兒騎牛兒騎牛兩牛渡水當中流一牛帶犢臨沙洲沙  
洲泥深沒牛足中流浪高拍牛腹長繩墜手衣裹身前  
者起顧後俯伏牛背鼓傾不自由誰云穩比萬斛舟待  
兒出險走平地畫圖忽落東海頭飯牛之子曾封侯

題牧牛圖

元黃清老

平原雨多煙草浮牧童驅牛如挽舟柴門正在水深處  
青山流過屋西頭



題牧牛圖

元  
丁復

邈爾三尺童御此兩轂鯨春風笠底回前村燒痕綠

牧牛圖

元  
貢性之

溪童飲牛渡溪水牛遇水深行復止人知水深牛不行  
誰識回頭顧其子桃林之野春雨晴燒痕回綠春草青  
太守勸農當二月土膏肥煖牛可耕邯鄲城頭征戰息  
甯戚徒勞吟白石一聲笛裏太平歌牛背溪童自朝夕

牧牛圖

元  
王良臣

三摩不受一塵侵本分功夫日念深杖屨得迴遊子脚  
葛藤灰盡老婆心顛狂不作風頭絮出入誰傷井底金  
回首人牛在何許一江明月夜沉沉

牧牛圖

元  
田 錫

干戈擾擾遍中州挽粟車行似水流何日承平如畫裏  
短蓑長笛一川秋

題李唐牧牛圖

元  
鄭 東

羨殺田翁不出村牛羣坡上散如雲買牛何日同渠牧

短笛時吹向樹根

題牧牛圖

元  
釋恕中

誰家荒曠連平原何處孤村帶喬木  
官田耕盡牛正閒  
且對東風弄橫玉

題牧牛圖

二首

明  
張以寧

返照在高樹歸牛渡曾波  
一犢年然赴其母老牸反顧  
情何多牧兒見之亦心惻  
人間母子當如何日莫倚門  
烏尾訛

中園有樹葵大田亦多稼牧人急曳牛鼻迴恐爾踐之  
鄰父罵何時睡起兩相忘吹笛西風柳陰下青山白日  
秋瀟灑

牧牛圖

明  
錢宰

野老春耕歇溪兒晚牧過夕陽牛背笛強似飯牛歌

題牧牛圖

明  
林鴻

綠草萋萋黃犢肥半蓑殘雨卧東陂煙深野水行人絕  
家在寒林月上遲

牧牛圖

明  
解縉

笛聲吹度柳梢風  
葉葉晴雲繞翠虹  
白石歌闌春雨歇  
青山半壓夕陽重  
耕犁自足敲仙術  
澗液常教飽嫩菰  
文繡不衣金不絡  
卧看天宇月明中

牧牛圖

為師尚書  
題四首

明  
金幼孜

日出騎牛去日暮  
逐牛歸年豐耕作  
好食飽望牛肥  
雲谷翠森森冰霜  
閱歲深已看能鳳  
舞還聽作龍吟  
夜雨翻龍籜春風  
長鳳梢佇看清廟  
薦美韻叶笙匏

逸態謝炎涼貞姿炯冰玉君子思切磋無忘詠淇澳

題李唐牧牛圖

二首

明 劉崧

天寒放牛遲野曠風獵獵獨來長林下吹火燒山葉  
日夕山氣昏獨歸愁路遠猶戀草青青遲回下長阪

題牧牛圖

明 倪敬

既飽原頭草還驅飲澗潯如何子民者不似牧童心

牧牛圖

明 錢仲益

東臯二月春草生江邊放牛花雨晴牧兒唱歌牛嚙草

穩坐牛背隨牛行牛角攢攢耳濕濕斷隴荒陂隨意入  
煙蒲風柳不勝情日莫歸來荷蓑笠我本山林牧牛叟  
濫著朝衫今白首擬買江南黑牡丹乞取閒身老農畝  
却望清溪沙上還

秋山牧牛圖

明  
廖道南

日暮桃林風雨寒數聲長嘯下空山草深行逕無歸路  
碧寒黯澹雲門陰落葉滿徑虛寒岑憑欄幽眺野空濶

倚樹長嘯秋蕭森石勢參差亂峰出水光明滅迴溪深  
春來即擬問牛喘先遣牧童穿遠林

牧牛圖

明  
廖道南

叩角平原不記功密林穿石樹含風邨田誰識春深淺  
牛喘應須問相公

牧牛圖

次周鶴洲韻

明  
吳希賢

菰蒲深處鳥呼羣溪上蹄涔路不分日暮調禽忘歸去  
西山松火暗秋雲



題牧牛圖

明  
林廷謨

黃葉岡頭跨犢過  
澗泉聲似和清歌  
得芻寄語須歸早  
日莫寒山猛虎多

牧牛圖

明  
林景清

山南碧坡春草香  
山下合流春水長  
楊柳風前氣蕭爽  
原是田家出牧場  
牧兒放牛依水草  
坐石眠雲情自好  
偷閒學得弄山禽  
夕陽在山牛亦飽  
隔崦茅簷舊世居  
朝出煙邨莫返閭  
牛尾何須縛田火  
牛角何曾挂漢書

蓑衣箬笠紅塵表萬事忘機心不擾明日公田布穀催  
一犂耕趁南村曉

牧牛圖

明  
黃榮

江草青青江水流卧吹孤笛弄清秋放牛莫放南山下  
昨日南山虎食牛

牧牛圖

明  
闕名

海宇昇平賣劍時漫勞筋力事東菑林陰沙際多春草  
不羨文身太廟犧

題老翁騎牛圖

明 劉基

白日上悠悠竹梢霧已收  
晴天不易得及時當放牛  
鄰家放牛多兒童我家無兒只老翁  
寒衣在機織未就原上烈烈多高風  
勿言衰老筋力薄有牛可放殊不惡  
但願天公不相惱牛背閒眠飢亦好

題野老醉騎牛圖

明 錢宰

村田樂事老來稀記得江南春社時  
兒女醉扶黃犢背帽簷顛倒插花枝

宋徽宗耕牛圖

為黃福少保之子題

明楊榮

春原過雨春日熙春樹連陰春草肥田家力耕貴及時  
手挽牛兮肩負犁草香泉美牛步遲農心汲汲應何為  
上恐公家賦稅虧下慮私門妻子飢吁嗟牛兮胡不知  
宣和之初能念茲九重燕暇親寫之驕奢一動萬事墮  
塞草黃沙千載悲

題趙君發牧羊圖

宋韓駒

王孫豈識田家趣妙畫聊因好古収唯有野人開卷笑

憶騎牛背下西疇

跋燕肅牧羊圖 二首

元 王 惲

行飲溪流喜降阿歸鞭影淡夕陽坡似將減減維千角  
辦作宣王考牧歌

平秩東皋事有餘荒煙平楚散林墟牧人例有繁多慶  
蓑底秋江夢衆魚

牧羊圖後有閻先生詩次韻感舊因成二首

元 袁 桷

嬰兒御氣草堤眠能使雙羊合自然莊叟不知蝴蝶夢  
覺來重作養生篇

玉質堂堂地下眠雲龍風虎各加鞭松陰舊日趨庭客  
整珮蘭皋駐集仙

牧羊圖

元  
袁  
桷

高柳風清曉日蒼牧童隨處候陰涼似憐挾策當年客  
物我胷中兩未忘

胡人牧羊圖

明  
尹  
耕

邊庭四月始知春  
沙草初青柳復新  
金鎬未須窺漢月  
羶帷時亦靜胡塵  
黃髮小胡花插首  
腰下寶刀光射肘  
日斜驅羝入東林  
草美泉香誇富有  
君不見虞廷干羽  
兩階陳白雉  
黃熊入貢頻  
聖王有道四夷守  
沙場閒殺射鵰人

題劉光朝歸牧圖

元 陳 泰

平湖草綠生春煙  
斜陽牧豎乘烏犍  
日光不動牛背穩  
後者喘息長繩牽  
吾兒讀書懶更魯  
少小嬌癡那似女

微官食祿能幾何歲歲羸駝踏風雨

題風雨歸牧圖

二首

元 錢維善

野陰雲氣合蒼茫霹靂山精白石藏  
蓑笠歸來牛背穩  
不迷風雨似尋常

不見人煙聞鬼車長林昏黑雨如麻  
晚晴却看前峰翠  
過得溪南即是家

青郊歸牧圖

明 李廷儀

庶草敷榮翠滿墟夕陽歸牧雨晴初  
清時只唱昇平曲



牛角何心挂漢書

題畫牧

明  
王恭

耕童生小無所知慣騎牛背度晴陂橫吹紫竹無宮調  
笑殺五陵遊俠兒荒林野水涼蕭瑟山葉吹霜鳥邊落  
信陵墳上草青青幾見殘碑礪牛角

題畫

明  
岳岱

暮色起郊墟牛羊識歸路牧童無枕簟但鋪明月卧

經進鹽圖詩

八首附錄

明  
彭韶

鹽場圖

兩浙山水鄉古稱天地藏西望出吳淞東行踰鴈蕩利  
孔非一塗鹽征為海王泉布充京儲芻糧助邊餉庶哉  
用物宏生意不復暢薪桂與炊玉晨昏增感愴敝屋棲  
寒蘆新畝倚孤嶂懷土思依依承家如草創

山場圖

山水非不佳林麓非不彫百年生聚繁分業薄如紙朝  
夕斧斤入不待黃落矣近伐嘅山童遠入虞虎兕肩重

何足辭突黔良藉此而況煮海功昏夜無停止蒞薪苟  
不力公私亦何倚歲歲事辛勤猶勝棄桑梓

草蕩圖

海墺咫尺地一望如掌平材木不生植草莽徒敷榮廣  
牧良有害泛取亦難成瓜分給亭戶表蕝自經營繁霜  
一以降百物俱彫零芻蕘忽萃止芟縛無留行輦運積  
官所來歲事煎烹負荷非為苦願言公課登

淋瀝圖

旭日朝沮場欣茲風色競錢鑄密如鱗沙塗平似鏡汲  
灑足灰泥層層白相映易地聚成堆再淋醎始盛方池  
藉以茅小竇暗通阱蓮實重且堅浮浮力能勝祇恐山  
雨來一簣功未竟殷勤守餘瀝坐待滷池定

煎鹽圖

醎液泛清泠牢盆戒修潔分番忽後時及此旺煎月一  
勺盡傾瀉萬竈俱焚熱沉沉紅霞收蹙蹙晴波竭歛之  
白盈箕凝華燦如雪點檢入公私中心更煩熱荆妻慰

苦顏摩挲汗流血却歎戍邊人垂老有離別

徵鹽圖

小汛風日好大汛潮汐平袖長應善舞課羨易為征歲  
歎伊誰知寧分雨與晴衣食豈不給國計良非輕擔石  
四面至倉庾一朝盈鹽官唱簿厯折閱頻呼聲況乃逃  
亡多荒額重加徵展限諒未允努力事餘生

放鹽圖

三邊乏儲峙良賈勞委輸償以榷海利子母多贏餘水

膏易消耗葑屋難貯諸多年積逋欠折算盡錙銖渺渺  
太湖畔盈盈東海隅雪山壓巨浪風帆恣所如每資藜  
藿食亦薦王侯廚誰念味中苦搔首空躊躇

追賠圖

近寶固貧國厚貸亦貧民  
漕丁有常賦催日何紛紛  
侵耗歲已久寅緣具虛文  
商算無從給鞭箠不堪聞  
富黠自當爾哀此顛連人  
稱貸不見售絲穀無餘新  
寬減逢優恤感激謝皇仁  
滄海未終竭更始重辛勤



御定歷代題畫詩類卷七十